



**Мұқашева Әйгерім,
дарынды балаларға арналған «Восток» мектеп-кешен
орталығының
9 сынып оқушысы**

Біздің мемлекетіміз талай қиын қыстау заман мен тарихи сыннан өтті. Қырғынды да, азап – мекнатты да, қуғын – сүргінді де, қорлық – зомбылықты да басынан аз кешпеген жұрт ендігі жерде аңсап жеткен тәуелсіздіктің баянды болғанын қалайды, нәтижесін көргісі келеді.

Қазақ халқының елдік дәстүрінде ханды өлтіріп хан сайламаған. Ханды даттамаған, ханының соңынан жаман сөз ілестірмеген. Қазақ ханды ақ болсын, халқына жақ болсын деп, ақ киізге көтерген, хан тұсында қан шашылмасын деп ақсарыбас шалған. Тұңғыш Президент сайланғанда ата салтымен біз де ақсарыбас шалған едік. Нұрсұлтан Әбішұлы Назарбаев ақ киіздің үстіне тұрып ант берген еді. Құдайға мың да бір шүкір, жаман болғанымыз жоқ. Қазақ халқының дәурені тәуелсіздігімізбен қайта оралғанда, қазаққа бақыт қайта қонғанда, тарих бізге тағы да үміт артып отырғанда әлі де жетіліп үлгермеген «адам құқығы», «ашық қоғам», сөз бостандығы», «демократия» дейтін ұрандарды алаулатып-жалаулатып, біртұтас халқымызды ара-дара етіп алмауды, демократия – анархияға, сөз бостандығын-бассыздыққа, пікірдің әр алуандығын жікшілдікке айналдырып алмауы мықтап ойланғанымыз жөн.

Бізді сырттан келіп ешкім жарылқамайды, жарылқаса қазақты қазақ қана жарылқайды. Біз енді Тәуелсіздігімізді сақтап қалу үшін өмір сүруіміз керек. Ел қамы, халық тағдыры үшін пейішке де, тозаққа да бірге кіруге тиіспіз. Ұлы даланың рухы бізді бүгін осыған шақырып отыр.

Астана қаласы – Қазақстан Республикасының астанасы (10 желтоқсан 1997 жыл.). Сонау бір қиын-қыстау кезеңдегі Елбасының тарихи ерлігінің, табандылығының, азаматтығының жарқын айғағындай болып, Есіл өзенінің бойында сәулет өнерінің соңғы үлгісімен бой көтерген, әсем ғимараттары сән түзеген.

Ақ Ордамыз Астананы бүкіл әлемге Астана деп жариялауы 10 маусым 1998 жылы болды. Астана күнін – мемлекетіміздің мерекесі. Қазіргі таңда Астана – үлкен қала, аумағы жағынан 200 ш.м. жерді алып жатыр. ЮНЕСКО-ның 1999 жылғы шешімі бойынша Астана – Әлем қаласы деген атақ алды. Мәдениетіне оралатын болсақ

[Введите текст]

конгресс-холл, Жастар сарайы және Президенттік Мәдени Орталығы бар. “Бәйтерек” монументі – қаланың басқы символы іспеттес. Ақ Орда – Президентіміз игі істер атқару мекемесі. Тәуелсіздік Сарайы – дипломатиялық және де халықаралық мерейтойларды өткізетін ғимараттар.

Әркімнің билікке бар таласы дегендей, Ата заңымыздың талабына сай Қазақстан Республикасының кез келген азаматы президенттікке үміткер бола алады. Елбасының киелі тағы-табанын тіреп Отан алдында ант бере алатын сөзінде тұратын, елін мұратына жеткізетін және мұратына жеткізу жолдарын қапысыз меңгерген, халқының бақытына туған, қалың елдің тірегі, білегі, жүрегі бола алатын, елім-жұртым деп көкірегі қарс айырылатын біртуар Азаматқа ғана бұйыратын орын. Сондықтан ешкім тағдыр тізгінің көрінгеннің қолына ұстатқысы келмейді, елінің жанын ұғатын, жалпыға пана болатын, халқын замана көпірінен аман өткізетін қайраткерге ұстатқысы келеді.

Елімізге дарынды ұйымдастырушы, көсем қайраткер, көреген басшы, табанды саясаткер, батыр тұлға керек болса, бәріміз білетін Нұрсұлтан Әбішұлы Назарбаев дәл сондай адам.

Нұрсұлтан Әбішұлының бойында Елбасына тән қасиеттер өте көп: төселген саясаткер, нарықтық экономиканың білгірі: аңқылдаған ақ көңіл, жұртқа сөзі өтімді «өз елім менің - өзегім менің» дейтін Азамат.

ТМД елдерінің аясында Қазақстанның мерей – мәртебесін көтерген Елбасы тәуелсіздікті тәу ететін, шынайы демократияға ұмтылған, ұлтаралық түсіністікпен достықты өмір салты еткен, болашағына сеніммен қадам басқан қазақстандықтардың символына айнала білді.

Тәуелсіздікке жаңа қол жеткізіп, жаһандық дамудың ұлы дүбіріне қосылған Қазақстан сияқты жас мемлекет үшін қазіргі ахуалда абай болудың мән-маңызы айрықша.

Бұған тәуелсіз Қазақстанның тұңғыш Президенті Нұрсұлтан Әбішұлы Назарбаевтың өмірі мен болмыс-бітімі жарқын айғақ. Елбасымыздың жары Сара Алпысқызы қайырымдылық қорының басшысы. Отбасында үш қыз тәрбиелеген өр тұлғалы әке, бес немересіне ақылша ата болып отыр. Назарбаев арман қуған тұлға. Арман қуатыны – Назарбаевтың бүгінгідей күрделі кезеңде алдағы асуларға құлаш ұрып жүргенін, алаш азаматының арманын аласартпағанын білеміз.

Елбасын мақтағанымыз – Елбасымыз үшін мақтанғанымыз. Елбасымыз үшін мақтанғанымыз, елдігіміз үшін мақтанғанымыз. Бұл мақтаныш – ұлттық мақтаныш.

Қазақтың құлан жортса тұяғы тозатын, қыран ұшса қанаты талатын ұлан-ғайыр даласы бар. Ата-бабаларымыз ақ найзаның ұшымен, ақ білектің

[Введите текст]

күшімен қорғап қалған соншама алып кеңістікте мемлекет құру қиынның қиыны. Әсіресе, мынадай дүбірлі дүниеде бір кезде жығылған орданы қайта тігу, құлаған туды қайта тіктеу елдің елінің ғана қолынан келеді. Ондай елді басқару да ердің ерінің ғана қолынан келеді. ондай ел де бар бізде, ондай ер де бар бізде.

Ол елдің аты –Қазақстан.

Ол ердің аты – Нұрсұлтан.

Жасай берсін Ел мен Ер!

Алдынан ақ таңы ата берсін Азаматтың!